

Mohd Amirul Kasyful Nur bin Zulkifli

From: UUM CORPORATE COMM.
Sent: 24 Ogos 2021 11:46
To: UUM - All Staff; UUM - All Students
Subject: Menjunjung Titah Tuanku Sultan, 4740 Lagi Terima Vaksin Di PPV 'Outreach' IPT UUM



UUM Corporate Comm.

Universiti Utara Malaysia

24 OGOS 2021 / 15 MUHARAM 1443H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee

Gambar oleh: Shamsaimi Ezil

MENJUNJUNG TITAH TUANKU SULTAN, 4740 LAGI TERIMA VAKSIN DI PPV 'OUTREACH' IPT UUM



UUM ONLINE: Universiti Utara Malaysia (UUM) menjunjung titah Kebawah Duli Yang Maha Mulia Al Aminul Karim Sultan Sallehuddin Ibni Almarhum Sultan Badlishah, Sultan Negeri Kedah Darul Aman untuk bersama-sama berganding bahu dengan kerajaan negeri Kedah bagi memangkin peningkatan kadar vaksinasi di negeri Kedah.

Sehubungan itu, UUM telah meneruskan operasi Pusat Pemberian Vaksin (PPV) 'Outreach' Institusi Pendidikan Tinggi (IPT) pada 20 dan 21 Ogos lalu agar pemberian vaksin kepada penduduk di daerah Kubang Pasu, khususnya dapat ditingkatkan lagi.

Naib Canselor, Prof. Dato' Dr. Ahmad Bashawir Abdul Ghani berkata, sepanjang dua hari tersebut sebanyak 4,740 dos vaksin Covid-19 telah diberikan yang mana daripada jumlah itu 2,382 diberikan pada Jumaat dan 2,358 pada Sabtu.

Menurutnya, pemberian vaksin ini adalah untuk mereka yang pertama kali mendapat tarikh temujanji menerusi MySejahtera bagi menerima suntikan vaksin.

"Saya berharap dengan pemberian suntikan vaksin ini akan meningkatkan peratus vaksinasi di negeri Kedah, seterusnya membantu negara untuk mencapai imuniti kelompok dengan segera.

"Malah, saya sedar akan kepentingan vaksin ini untuk mencegah penularan Covid-19, tambahan pula jumlah kes positif di negeri Kedah yang saban hari meningkat sehingga mencecah empat angka amat membimbangkan," katanya.

Pembukaan PPV 'Outreach' IPT UUM mendapat kerjasama Kementerian Kesihatan Malaysia (KKM), Kementerian Pengajian Tinggi (KPT) dan Kementerian Sains, Teknologi dan Inovasi (MOSTI).

Naib Canselor juga merakamkan penghargaan kepada semua petugas KKM, Pusat Kesihatan Universiti (PKU) dan sukarelawan bukan sahaja dari UUM, malahan badan bukan kerajaan (NGO) yang bersama-sama membantu untuk melancarkan proses pemberian vaksin tersebut.

Katanya, UUM bukan hanya sekadar menjadi gedung mencari ilmu, sebaliknya turut memainkan peranan kepada masyarakat dengan menjadi tempat pemberian vaksin.

Pada 17 Ogos lalu, Tuanku Sultan Kedah menzahirkan dukacita dengan kadar jangkitan Covid-19 baharu yang dilaporkan setiap hari di negeri Kedah yang kekal menunjukkan jumlah empat angka sejak hampir sebulan lalu.

Sehubungan itu, Baginda menyeru hospital-hospital swasta, klinik-klinik pengamal perubatan am dan seluruh badan-badan korporat dan swasta untuk berganding bahu dengan memberikan sokongan, bantuan dan sumbangan yang sesuai dengan fungsi, peranan dan kemampuan masing-masing bagi memangkin peningkatan kadar vaksinasi.





Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.